

四庫全書

集部

欽定四庫全書

松泉集卷九

起戊午至庚申

吏部尚書汪由敦撰

和西林相國晚晴喜賦元韵

凍雨連朝急村郊擁濕雲披襟開霽景流綺散霞文  
密樹餘殘滴斷山明遠曛草池喧蛭曲蘋渚聚鷗羣  
當暑人情暢新晴物意欣回思方久旱殷念各如薰膏澤

宸衷慰時暘衆望勤今來荷蓑笠快得事鋤耘溥潤應

相忘歌蒸豈足云有秋看轉瞬樂歲驗前聞祝國懷田  
父調元翌

聖君寧惟北牕下歌枕謝炎氛

題趙封翁長夏課孫圖十六韵

南極躔中聚德星蘭芽簇簇秀盈庭眼前樂境同三世  
膝下清芬守一經秘局才華承指授重闡家法奉儀型  
時當夏永庚初伏日與年長午乍停竹粉翠交丹桂路  
荷衣香泛白鷗汀舊鈔檢付從頭讀彛訓爭前屬耳聽

眸炯尚看迴電紫步高遙指入雲青  
誦來響雜蟬鳴樹背去聲翻水瀉  
瓶犀角崢嶸人不了了鸞鳴宛轉韻  
泠泠六時課鎮嚴寅戌四庫籤曾探  
丙丁疑字自來能辨霓餘功端不藉  
搜螢含飴歲有孫曾慶點額羣知壽  
考寧松幹老猶吟曉籟豫章生便拂  
霄冥胎禽健有千年翮雛鳳文裁五  
色翎妙染生綃傳阿堵早從文祿識  
寧馨通家拜紀心常切載酒何時款  
畫局

蔣恒軒閣學生日

金史卷九  
花滿蓬壺舊

賜莊黑頭公望比高陽鳴騶午散圖書靜啟事晨趨殿  
閣涼瓜果筵開冰碗潤菱荷風引碧簫香風光今歲看  
全別桃李新陰擁畫堂

題釀花居士竹燕卷子

脫粉新篁斜欲倚仙骨珊珊翠鸞尾受風雙燕更翩翩  
蹴花掠地飛纔起臨池潑瀟自生研物態妙與神俱全  
並時已說無雙格况復流傳五百年

題姚秋水泛海圖

一琴一鶴慣相將  
鳬影聯翩歷海疆  
記得島夷羅拜處  
壓船奇石鬱林裝

真從絕險得奇觀  
浩蕩乾坤放眼寬  
積水極天天是水  
金烏騰擲似銀丸

挿翅飛颿百丈高  
憑虛蹴踏氣尤豪  
祇今花底調琴曲  
尚挾天風駕海濤

鯤身鹿耳指前遊  
萬里滄溟尺素秋  
應笑詞垣人漫詡

輒紅却道是瀛洲

舍弟書盛道和仲經耘穎思翼虞諸弟姪績學工  
文為後來之秀深慰遠懷漫成寄勗兼呈殿臣

叔

山牕最與讀書宜回首空勞廿載思節序推遷啼鳥換  
春光荏苒落花知新詩漫與聊堪賞舊帙重溫每恨遲  
此日分陰抵和璧王郎那得下帷時

陳趙諸賢道不孤

謂定宇東山諸先正

紫陽山色莽榛蕪瓣香自

紉鄉先輩宗印真傳宋大儒妙契鳶魚常浩浩放懷風  
月亦區區石橋選古多遺蹟英異何人肯問途

賈董文章足大觀全憑經術助波瀾江河萬古流澎湃  
泰華中天氣鬱盤華國自來關運會成家先為洗酸寒  
金鍼繡線應非二試把鴛鴦仔細看

池邊鼃蚓鬧虛牕市上箏琶自作腔蒙叟訟言排北地  
涪翁傳派盛西江山龍未可輕絺繪雲鳥何人建節幢  
安得伶倫諧律呂黃鍾無射寸莛撞



丹梯百尺杳難攀更覓人間換骨丹莫以天人驚李杜  
敢將能事傲蘇韓名山妄信千秋業仙境終輸一字難  
憂

國輒思儲杞梓謝庭珍重護芝蘭

清華遭際艷鑒坡直有才名占大科

謂筠川四兄

父老百年

差慰藉後生來日忍蹉跎望洋莫更疑觀海鑿井無須  
歎俟河嘉頌雍容多盛事宣風可解奏中和

淋漓大筆數韓碑萬大光芒百代垂授簡直同今日事

賡歌誰繼古人為平生漫詫屠龍技頃刻難工吐鳳詞

曾記公非笑歐九斯言端足繫人思

前輩晉江陳對初先生應奉文字最

工嘗為予言幼讀平淮西碑如蓬萊三山不可躋陟即師長亦謂非小子所當措意不意今日乃為職業攸司每一命題輒回憶書堂雜誦時情事此語當布告來者勿過自推讓異日空拳猝辦闕國體不小子謬以謏劣繼先生後操觚之火追憶緒言益增顏汗此首專記其語

一經家世續書香七葉清芬馬冀王皓首幾人餘碩果

青氈好在此靈光轉喉一任矜餘弄得手多應忘拍張

煩舉遺聞開後學砥平繩直有康莊

潛節母詩十二韵

江西奉新人夫垂死婦啗持誓為養父撫孤舅沒鬻所居室以

欲養母依以養死奉柩還葬

名義千秋重綱常片語扶不緣心慷慨誰忍血糝糊畢  
世痕難滅當年淚并枯慙遺餘一老屬是藐諸孤菽水

供餐謹機絲課學劬貧無庇風雨計審謝屠沽

或勸其子就買

母不

從養母生依養同藏卒與俱

其母死或以道遠謂宜葬之近地母卒返葬之

鄒氏之兆

誠通神所勞道合聖之徒汗簡中壘筆丹青列女

圖

絲綸彰宅里綽楔耀當塗令子文尤著芳徽世作模質  
言存梗概指事愧疎蕪

寄吳門沈頴谷

胥江江水秋始波連蜷叢桂山之阿中有碩人樂槃藹  
青軒圖史左右羅庭花砌草紛婀娜蘭芽婉孌生稍晚  
家禽對客工吟哦名塲激昂四十載義門高第今無多  
詔書屢下網麟鳳掉頭不應宏詞科迴思壯盛足游歷  
名卿折節資切廟西浮淞水徧甌越東尋海岱南湘羅

鄧林之材荆岫璞搜奇拔最容倭和同時友朋盡才俊

袞袞臺省登鑾坡虞山陶四

謂揮衷侍御

契尤篤班心哭兀

振娒娒杯空脣燥困珠桂日騎瘦馬霜凝鞞豈如先生

興瀟洒細傾家釀朱顏酤靈巖香雪虎阜月棕鞋籃輦

披烟蘿纖埃不到讀書榻琅琅金石歌商那丹黃鉛槧

不去手點勘緗素無乖訛盎然太和在一室琅玕芝草

交枝柯玉腴新剥老菱熟綠色香愛圓橙搓秋容際此

好風日勸君滿酌金叵羅穿雲曲奏南飛鶴何似華筵

檀板歌

恭和

御製甘霖普降特召大學士暨內廷翰林至圓明園泛

舟元韻

甘霖優渥徧西疇感召休和仰

聖猷曲澗新添波渺渺連塍喜見黍油油撫時最愛時  
方永望歲先占歲有秋

特詔頒來石渠閣

殊恩許泛木蘭舟  
芳池細浪含風遠  
瑤島深林積翠浮  
萬頃波澄涵

帝澤一帆風正愜

宸遊芰荷香裏移丹鷁  
楊柳陰中起白鷗  
倒影樓臺凌碧漢  
親人魚鳥宛中流  
烟嵐地迥排千嶂  
圖畫天開儼十洲  
到眼風光原浩蕩  
移情水木足清幽  
欣看灑翰天章麗  
更識勤農

睿慮周何幸  
賡颺叨異數  
濟川良遇愧難酬

題鄒慎齋前輩攜稚踏青圖

拂面吹來楊柳風一枝清露引新桐  
皇州三月春如海都入先生杖履中

綠茵如繡正芳時不藉賓朋載酒隨  
攜得鳳雛遙指點啼鶯多在最高枝

舉第三雛凝之以詩遠寄次韵答之

漫勞湯餅勸深卮緩帶多情又一時  
摩頂敢誇天上石流年行及手中著  
外家笑說潛夫論元日憑題驥子詩



愚魯不妨頻致祝了將公事正須癡

齋夜奉東芝庭晴嵐虛亭三先生

齋宿玉堂陰燈花照獨吟鳥歸庭寂寂鐘遠夜沉沉  
靜覺情懷減愁添歲序侵金門多舊侶應識此時心

過介景菴寓園和晴嵐侍講韵

颯颯金飈拂袖輕款扉吸茗暢餘情小池過雨曾吹浪  
野卉隨時也弄晴遠翠雲開諸嶺色高歌晚送隔牆聲  
知君下直蕭閒甚踈地簾垂枕簟清

蔣恒軒學士齋雅集和韵

蓬壺佳勝晝延賓

賜額曰秀  
寫蓬壺

陶寫風光及令辰  
天宇乍

高秋意淡晴軒半敞酒懷親  
豈花蔓引離離實松幹苔  
皴細細鱗薄醉歸來聯騎穩  
垂鞭不動御街塵

直廬清簡同人詩酒之集或間月偶一為之今年

三主恒軒學士寓齋漫用前韵紀事兼懷汝白

使閩

窈窕清軒慣速賓年來三度醉良辰  
綳梅照座當春早

紅藥翻階入夏新  
細數流光紛轉轂  
坐看遠水淡成鱗  
尊前撿點都如舊  
祇憶仙霞驛路塵

題王石谷惲南田合作畫卷

張君示我行看子  
乃是石谷南田之  
合璧本朝畫品二

子尊

蘇子瞻詩吾觀畫品中莫如二子尊

高名欲奪倪黃席  
耕烟寫此當

深冬霜蓬浪颭天  
隨宅遠村枯樹淡  
欲無一角太湖歌

片蓆甌香寫時秋  
興長皓月當頭紀  
良夕談深合契喜

作顛筆纔落紙神  
俱適烟烘嵐影滴  
空翠水繪天容蕩

虛碧推牕四顧天茫茫月墮前林風撼撼由來此事仙  
凡隔莫向町畦問阡陌巧由天得始通神敗簾鑽研竟  
何益

南田跋語  
意蓋如此

因思二子擅時名能事何緣辭促迫錦

囊犀軸列華堂不遇知音等虛擲蘊真主人有真賞寶此  
矮箋纔徑尺燕坐焚香靜對時胸次烟雲傾瀝液佳人  
絕代美尹邢才子同時擬元白妙從無意得流傳簡遠  
蕭疎見風格豈知品目煩後人直為前賢傳正脉我詩  
漫與何足多寒具點汙翻可惜敢道玉堂故事繼他年

坡老詩題郭熙蹟

題塞紫峯司業放雲圖

憑賡糾縵協元音  
教放濃雲出遠岑  
三素望來春藹藹  
五樓深處曉沉沉  
垂天自應為霖用  
觸石何容出岫心  
知否橋門桃李樹  
護花先為布層陰

郊園夜坐

瑟瑟金風入桂堂  
虛齋夜色轉蒼涼  
蛩依曲砌矜高調  
螢逗疎簾耀短芒  
寒影半橫歌戶竹  
秋聲先到隔溪楊

幽懷索付中宵夢  
嬾撥爐灰炷佛香

題呂紀畫錦雞

飲啄山林意自寬  
露將文采逐鵷鸞  
無端錯認雕陵鵲  
林外閒拋金彈丸

至後一日作

弱線才添掩繡幃  
南榮愛日影依依  
梅花待放寒偏勁  
萱草將舒雪尚飛  
泉煮餘冰茶候緩  
香添宿火篆烟微  
從今數<sup>上</sup>聲日天心  
復好護初陽長養機

正月二日

賜宴乾清宮恭和

御製元韻

雲漢欣瞻七曜聯

仙臺更灑墨華鮮  
賡颺盛事傳虞陛  
紉縵

宸章叶舜絃  
春轉銅龍開淑景  
雪融鵲鵲啟芳筵  
鵲行  
拜手陽和洽湛露

恩深照簡編

十二日齋次獨坐瀛洲亭二首

洞天小別一年餘，齋宿重來感索居。  
遠有車聲喧巷陌，閒惟鵲影下堦除。  
寒輕不覺臨風久，地敞偏宜得樹疎。  
晏坐蕭然誰是伴，斜陽掩映讀殘書。

騶唱無聲戶不高，高槐天矯覆寒廳。  
瀛洲名勝從傳說，冰署風光已慣經。  
殘雪滿池依舊白，短莎侵徑幾回青。  
可應曝背茅簷日，飛夢還教到此亭。

偶赴同鄉小集，席間酒器甚精，故相國宛平公家。



物也感而有作

精鏐名製費雕鐫來自城南尺五天  
華屋難追金谷集  
怡園廢毀已數年矣  
錦卮重上玉山筵  
何人引滿徵歌候今日  
閒評對酒邊  
惆悵會昌全盛日  
曾將花木記平泉

題易榮懷繫馬圖

煜煜房星精雄姿  
字天育  
詖蕩天門開  
刷影飛電逐翻  
將駕鼓車俛首駢輿服  
奚官偶放閒  
蕭散新出浴草長  
綠莎汀泉甘碧溪曲迴  
頭憐駕駘轅下徒局促  
振鬣一

長鳴氣逸千里足不遇九方臯且盡一石粟笑謝曹將軍善畫勿多肉

放鷹篇

聽朱學士談行國放鷹事走筆記之

角鷹脫韉舒羽翰力破青冥雲影亂玉花俊絕海東青  
一點孤飛攫天半塞垣八月天雨霜獸肥草淺開圍場  
萬山深處行旌駐命中爭先意氣揚金眸閃閃帽初摘  
當風正試摩空翮翩然一擊千丈強毛血平蕪恣狼藉  
羽林壯士臂鷹者極目遠隨鷹上下知有飛鷹不知馬

越塹登山似平野懸崖縱鞚不可收馬蹄蹴石却打頭  
錦翼搖空呼即至判將絕藝奉

宸遊鷹師習久通鷹性熊膽牛黃工却病長條直灑五  
更初粉壁如銀光掩映雄談神旺聽悚然挑燈為寫放  
鷹篇白頭學士清齋夜細數

仁皇侍從年

看花二絕句

中桃樹底雙徘徊已有飛花點碧苔寄語看花須及早

好花莫待十分開

沿溪花柳似相招  
小立風前嬾過橋  
也識前溪花似錦  
且留餘興待來朝

題丁亦式明府梅邊讀易圖即次自題元韵

虞仲祠前自在身  
翛然海鶴出風塵  
青山是處堪娛老  
白社何曾解負人  
靜裏試參元有易  
閑中託興別成春  
一枝莫笑梅花瘦  
飽看浮華幾度新

題王蘭畫卷

香泛崇蘭曉霽時輕冰為骨玉為肌分明姑射峯頭見  
十二樓前第一枝

暮春遊佟氏園亭二十韵

春風引遊興倦翮思一逞韋曲問名園熟客謝訶警徑  
轉紆層岡磴仄限諸嶺長松振鱗鬣落落散清影蕭森  
木千章瀾淼潭百頃汀蒲始抽芽斷岸橫舴艋水鳥出  
復沒相對意俱永坡陀頗軒豁臺榭尚修整怪石翳藤  
蘿碧流涵藻荇名花一兩枝態若醒未醒何期空谷中

覩此明珠靚逢迎無主人坐止便清省一往窮幽深妙  
處隨所領笑言脫拘檢塵慮一以屏不假攜壺觴并却  
餽漿茗直餘幸多暇探勝樂深靜西山遠難到疲馬不  
能騁喜茲旁近地意行得佳境翳然林水間真賞富烟  
景何當選良夜乘月泛孤艇

為錢恭李孝廉題泊庵桃花園圖

泊庵為明季名  
諸生熊開元令

吳江時就問時事朱相國  
國楨謝政歸引為忘年交

聞有桃花萬樹紅雲亭遺跡委蒿蓬小車皂蓋經行處

耆舊猶傳國士風

江山故宅跡俱陳  
片片花飛出遠津  
但使泉明能作記  
不須惆悵覓漁人

野蓮和虛亭侍講

遠渚新荷過雨肥  
參差交映野人扉  
露珠何意翻傾蓋  
雲錦無心自織衣  
脉脉難酬交甫佩  
亭亭應笑漢陰機  
一天風月還堪賞  
莫歎紅粧采折稀

題張少宗伯觀獲讀書圖

杭稻年年觀穫樂子孫世世讀書聲故太傅文  
端公致政居龍眠山莊時句也康熙乙酉公迎  
鑾江上語次奏及

聖祖仁皇帝遂書此二語為屏聯以

賜文端奉之雙溪草堂少宗伯葑齋先生紹衣先緒取  
其意寫為小照虛亭臨水隔岸平疇亞旅腰錄  
黃雲彌望其坐後牕頻首展書呬唔有聲者公  
子曙彤編修也



聖朝名相韋平接寰海雍熙元氣浹農安耕鑿士詩書  
坐奏唐虞開奕葉惟將清白貽子孫牕下書聲隴頭饁  
奎章為寫生平句恰是昇平真相業欲識當年魚水情  
吉雲長護屏間帖只今冠蓋龍眠路行人指點傳經處  
綠蓑春雨服先疇黃卷宵燈守儒素侍郎唱第五雲高  
十載東吳籲俊髦畫圖寫出家風舊鄉思應知夢想勞  
容臺領袖文章伯禮樂雍容稽典冊香浮綈几侍  
經筵耜載朱絃勤

帝藉端知風厲自

上始擊壤闢門基自此霖雨何人祝望深茅簷父老寒  
牕士

題凌觀察課耕禱雨二圖

東阡西陌畝縱橫布穀聲中長吏行誰識霜威廉使重  
荷鋤童叟笑相迎

珠簾秀句銀鈎筆勝事流傳傑閣中硯沼還飛作霖雨

不須作記擬坡公

君善書嘗書王子安序  
刻新修滕王閣壁間

恭和

御製咏瓶中新荷元韻

琢得輕冰質不粗  
新蓮插處見根株  
翠莖曉濯波深淺  
紅影朝歌露有無  
佳種何須分太華  
仙姿端合住方壺  
水晶簾敞薰風度

幾暇堪供翰墨娛

直廬敬疊前韻得二首

太液舟輕撥浪粗  
細荷初采兩三株  
膽瓶紅映時搖動

斐几香浮乍有無  
粉綻新衣低錦幄  
箭移清漏應銅壺  
分明天水澄鮮色  
却暑偏宜靜晝娛

種出

天家格不粗  
玻璃分供最先株  
幾枝掩暝還  
高下積水  
空明似有無  
幸拔泥塗依玉宇  
尚餘風露濯冰壺  
野塘萍渚知多少  
願近

清光奉賞娛

恩賜新茗恭紀和秦樹峯編修韻

拜捧銀罌下

九天露芽來自月巖邊清香不散千花味嫩綠猶封半

嶺烟

茶名巖頂花香

采貢有方傳舊錄紀

恩得句讓羣仙好聽活火松風鼎時雨新添萬斛泉

直廬卽事和虛亭二首

紫界墻東敞直廬十洲風景未全虛百花深處遙聽漏  
萬柳陰中好讀書冒暑却愁龍尾道飛塵那到上清居  
鵲鸞總是忘機侶燕笑何妨禮法疎

安身到處是吾廬  
荏苒惟慙歲月虛  
點筆互評題罷句  
研硃自課讀殘書  
談深不覺移長晝  
歸早翻教賦索居  
何分能消清靜福  
先秋兩鬢日蕭疎

伏蒙

頒示新霽侍奉

皇太后園中遊賞

御製五言律詩一章

命大學士南書房諸翰林次和書成屏幅進呈

皇太后慈覽即事恭紀十六韻

喜雨慰勤民乘時樂奉

親金輿臨水殿彩鷁度雲津烟柳濃張幄晴波細織鱗  
秀滋蘭蕙長香浥芰荷新員嶠山如畫蓬萊闕是銀和  
風渾却暑愛日別成春景為承

歡勝詩因獻壽陳天家多樂事

睿藻紀佳辰泉湧墨浮彩景垂筆有神始知風雅道直  
本性情真燕喜娛

文母廣歌許近臣龍章擣黼黻鳳呂叶伶倫

諸臣恭和  
適得十有

二綠潤排芝檢屏開接錦茵豫遊

恩備浹色養禮俱申孝德高三古文思仰

一人永言風動意長使萬方淳

### 雨後望西山和虛亭

廿年曾未到西山過雨空看列翠環乘興何當明月夜

題詩先寄白雲灣

去夏虛亭嘗乘月夜遊西山達旦復策馬入直同人服其豪邁又嘗偕同

直數君遊青巖上人精舍賦詩却  
寄予未赴亦屬和跋於卷尾故云

懸崖飛瀑新泉長深



樹停雲去鳥閒好待霜晴秋老日芒鞋竹杖一躋攀

夜雨限韵和景庵侍講

風入疎簾撼壁燈愁霖着夜勢相仍匡牀冷怯桃笙簟

薄被香消柿蒂綾千里夢回江漢客

時家三弟  
客楚中

五更鐘

起寺樓僧芭蕉牕外渾無賴飽睡空思往日能

螢

空庭飛熠燿自照亦微茫傍草風無力穿花露有光飄

零從客袂乾死惜書囊好避白團扇休教近桂堂

蟬

高飲疎桐露深藏濃柳烟一聲朝雨後萬樹夕陽邊蛙  
蚓寧同調金貂也宿緣清風生兩翼蛻去可能仙

蟋蟀

何苦緣苔砌淒淒不自休雨聲兼徹夜涼意忽先秋斷  
續空閨夢深沉旅館愁兒曹那解此樂闕漫相求

絡緯

本自樂田野偏來近畫簷每聞聲續續為憶手摻摻逐

響難成緒流空若解拈秋燈伴機杼愁絕晚涼添

題月中梅花畫扇

明月如積水炯炯鮫人宮娉婷萬玉妃米珠步相役雪  
魄耐清寒烟鬟浩朦朧迴影落墨池不見羅韞蹤神人  
藐姑射縹緲倘一逢

題于雲谷郎中茂樹清泉圖

蒼顏誰認十年前畫省蘭香夢幻緣賸有清門名德在

蔭來嘉樹酌廉泉

于為故兩江制  
府清端公季子

邱壑真歸謝幼輿日長山靜畫難如茂林左右清流激

臨得山陰內史書

于喜臨池  
有書名

和晴嵐六月廿七夜納涼

滿庭花霧漸冥濛銀漢初橫火尚中燭影不驚梁上燕  
秋聲無那砌間蟲碧幙紈扇沉沉夜茗椀珠蘭細細風  
別有山牕清淨界安心一枕萬緣空

池鳧

愛爾毛衣潔從教汎曲塘浴時穿藻密游處引波長得

食羣寧亂安眠機盡忘最憐天外雁辛苦到江鄉

園鶴

頓趾當苔徑梳翎俯碧塘花間清露重松下綠陰長林壑情難掩雲霄意可忘終輸鷗鳥逸穩占白蘋鄉

野蓮拙詠承桐城西林兩相國和韻見示疊韻奉呈

仙以臞名不處肥應無幽夢到金扉相招肯入廬山社學製還成楚澤衣曲院涼鋪千尺錦星津雲杳七襄機

忽逢塵外留清賞，霽月光風雅尚稀。

庭前草花盛放戲成小詩十二首

一春不費買花錢，種子成花各吐妍。也與買花同爛熳，何如培植得天緣。

裁筠縛葦界中庭，弱蔓垂花似綴鈴。雲破忽來巖畔月，一痕先上綠蘿屏。

嫣紅粉白爛成行，左右紛披曳繡裳。有色可娛無可妬，勝他七十二鴛鴦。

琢玉為花葉剪羅梅檀簷蔔不爭多  
納涼時候殘粧褪  
縱有馨香奈晚何

牆角戎葵苦背陰花攢直幹鶴頭深  
呼童移傍南榮種  
看爾長舒捧日心

嫩黃深紫一叢生不解誰題茉莉名  
花葉色香無一似  
流傳大抵屬虛聲

花史何曾是定評桃粗杏俗漫相輕  
無端荒徼閑花草  
譜入羣芳便得名

枝幹何論徑與圍叢叢階下弄芳菲笑他楊柳叅天立  
只解吹花作雪飛

開落何爭早與遲炎涼隨候各逢時三春萬紫千紅色  
說與秋花那得知

驚風落蕊露粘鬚酷日烘枝雨後蘇畢竟著根原淺薄  
離披端倩藥欄扶

覆徑沿牆一道斜茸茸如織翠交加莫輕野草無顏色  
雨露濃時也作花



過雨菱新徧小山經旬蕊綻亂紅殷澗松孤聳昂藏骨  
俯視應憐滿日斑

題金慕齋殿撰小清涼山居圖

直廬消夏說家鄉畫裏看山引興長天上故應無暑熱  
人間隨處也清涼憑題白鶴新詩句漫擬盧鴻舊草堂

最是髯翁工點綴三間老屋樹千章

張南華太史作圖

幽居何用谷名盤水郭山村到處安涼意亭邊荷窈窕  
清陰池上竹檀欒風流來往他年約歲序留題後日看

也與前賢同一嘅畫時容易到時難

太傅張文端公句

### 題松癡老人傳

老人家住黃山陽神襟灑落鬚眉蒼遺安遠企鹿門德  
高隱乃似龍邱萇黃山矗天幾千尺奇松夭矯附奇石  
老人本是羲皇人獨好奇松性成癖青天為幕松為席  
坐卧行游朝復夕月明高和青猿吟雪埋遠逐蒼霞跡  
懸崖絕澗行無路履葛攀蘿時徑度欲覓先生杖履蹤  
只在奇松最深處獨往甘偕木石居真仙不療烟霞癩

一聲長遠裂層雲軒帝容成儻相遇世人但詫老人奇  
歲寒心事誰能知紛紛作繭苦自縛老人不癡人自癡  
題錢約齋年伯山房愛日圖二首

雨過山更清雲生山不礙竟日對青山相看兩相愛  
簾垂烟篆清徑曲芝草出笑語問字人一日是兩日

題畫蘭

蘭生空谷無人見瘦石蒼苔飽霜霰自是天然王者香  
幽姿不逐東風變伊誰采之貢玉堂朱簾瓊砌揚清光

檀心曉浥金莖露翠帶晴霏御案香畫師曾到陰崖背  
雨泣風歌得真態豪端那復染纖塵紙上長教流沆瀣  
春來百卉矜顏色多少芳蘭混荆棘寫出騷人紉佩心  
畫師深意誰能識

題曹以南登岱圖

扶輿峙五岳泰岱為之宗負海襟青齊突兀摩蒼穹曹  
生振竒士矯首日觀東仰捫牛斗垣俯瞰蓬萊宮云亭  
感衆皴蒼烟浩溟濛瀛濤貯杯杓扶桑鬱如蓬夜半天

雞鳴一九浴波紅挾背得壯觀快意舒心胸迴思下界  
望攀蘿杳難從豈知跬步間已陟萬仞峯羗無濟勝具  
誰躡飛仙踪馬上看西山黛色潑眼濃冉冉送白日昏  
昏聽烟鐘因君欲自振一探青芙蓉

凝之詩來時值其四十初度即次來韻為壽

登高無分共銜卮書到剛逢覽揆時老我興賒三徑菊  
祝君歲比百莖著雁行風緊難成字婆律香煇合寄詩  
好語問安三稚子家翁他日儘驚癡

聖駕南苑大閱恭紀八首

干羽堯天洽車書禹迹同  
順時稽令典撰日整元戎  
七德揚

神武三驅振古風不須刊石鼓

盛烈邁車攻

清蹕向長楊鳴鑣出建章  
九旗懸日月萬騎蹴冰霜  
帳殿耀瑜暖旌門組練光  
驍騰健貌虎肅肅羽林郎  
地是周靈囿城連漢上林  
華旗馳

日馭紺宇佇

天臨沙路飛塵淨松臯積翠深

離宮時暫駐端不為從禽

甲帳拱中樞辰旗辨正隅花鬋金駉裊析羽繡螭弧令  
舉吟龍角營開合虎符氣酣金鼓外雷動萬人呼

日角瞻

天表

親巡驃騎營秉麾森豹尾按轡儼龍行韎韐威容壯戈

鋌節制明六軍同抃躍挾纘此時情

周官司馬法風后握竒經迭進嫻師律環生按陣形千  
行飛電紫萬道漲烟青却望高臺上森嚴衛百靈

六鈞神力勁一發耀

天威旋旆仍餘勇呼鷹更合圍彩翎迎日麗錦翼傍雲  
飛

恩賚叨蕃錫歡同奏凱歸

詰戎非耀武偃革誕敷文喜氣融城雪和風卷陣雲陽



回軒律正歌阜舜絃薰謨烈承

三后垂衣仰

聖君

齋宿院署懷鄒慎齋學士前輩

清齋幾度宿寒廳每坐春風憶典型茶味熟時談正健  
燭花彈處眼猶青重來曲徑惟殘雪獨對虛牕欲漏星  
為想城南擁鑪夜諸孫圍膝聽傳經

御製南苑大閱七律一首元靈宮五言排律十六韵冬

至有事

南郊古詩八章章八句

宣示內直諸臣恭紀

經國宏猷祀與戎傳將


仙藻仰

宸衷車徒甫草聲靈壯圭璧

園壇盼饗通治法唐虞時正泰辭高雅頌體兼工西清

幸睹

卿雲製宣室長楊陋漢風



松泉集卷九

欽定四庫全書

集部  
松泉集卷  
十三

主事<sub>臣</sub>汪彥博覆勘

武英殿纂修編修<sub>臣</sub>王錫奎

欽定四庫全書

松泉集卷十

年西

吏部尚書汪由敦撰

早春移寓郊園和金慕齋殿撰韻

曲逕斜通宛轉橋  
冬初去後到春宵  
新鶯欲轉聲猶澀  
老馬重來氣不驕  
池面漸漁菖葉亂  
枝頭雪認柳花飄  
迎人最愛西山好  
一抹蒼煙入望遙

曉出西直門道中咏雪

蒼柝聲沉動曉烏  
春城雲濕望模糊  
玉沙輦路翻幢蓋  
金粉園亭入畫圖  
輕壓斷冰波欲動  
半消幽岸草纔蘼  
占年祇羨田家樂  
早辦耕犁手自扶

雙塔峯

塞山本多奇縱覽目不給平岡矗雙峯  
聳削勢岌岌巍然宰堵波欲上絕梯級下趾無豐殺  
頂半覆臺笠一如植桓圭龍從秀堪裏其一形稍躬竝峙旁若揖對看始歧分側睨轉若翕將無鬼斧劈否或神功輯累石土花

繡積鐵苔痕澀偶俱雖得朋峻拔自孤立惜棄龍荒隅  
題詠古未及幸遭瑤池游道左迎繡鉞

裕堂編修見過同登聽濤亭偶作

度水鐘聲過柳灣蒼然暮色遠銜山此情留取他年憶  
啜茗孤亭相對閒

正月廿六日同人集小清涼山房予以事暫歸未  
之知也逾日見梁薌林少司農訪諸公不值用  
莊禺麓殿撰韻東慕齋之作亦和一首以訂後

期

曲巷疎槐款戶頻却輸連轡踏芳春花前誰送深深盞  
馬首從嗤裊裊塵那得閒懷容放達漫拈佳句闢清新  
永和故事如能續醉墨還當証昔因

和梁薌林司農韻

比舍追隨步履頻公餘談笑藹生春眼前紫牘披流水  
几上烟雲掃積塵花柳西湖鄉夢遠輪蹄別墅客懷新  
笑儂虛室成枯坐也似同龕結淨因



暫別寓園仍用前韻

襖被巾車去住頻芳時又負

賜園春重來好處知餘幾一瞥韶光渺隔塵飛絮定粘  
蛛網密落花難認燕泥新衰年頗悟浮生理事住多留  
未了因

恭和

御製正月廿九日以社祭齋戒入城見道旁春耕者喜  
而有作元韻

瞻蒲望杏每先時

帝力人間總未知一望春疇

宸意愜老農驅犢更呼兒

萬井同開澤澤畊土膏初動麥抽萌不須更繪豳風句  
翠輦親從隴畔行

題春帆歸省圖送姚三崧編修

瀛館文章伯公門宅相賢暫辭蓬島路早放潞河船社  
燕依檣近江魚入饌鮮循陔多勝事蘭蓼破春烟

南書房敬觀

御筆仿黃庭堅書

聖製喜雨賦巨軸恭紀

宸章寵示到西清  
滿幅琳琅照眼明  
紉綬星雲光日麗  
嶙峋嵩華勢天成  
筆含渥澤滋羣彙  
墨灑甘霖偏八紘  
神品已超羲獻上  
宋臣何幸沐餘榮

題乳虎圖

落日腥風掃平莽  
深山無人虎相乳  
笑渠墮地氣食牛

帖尾婉孌翻媚嫵金睛眈眈牙爪成負嵎一吼百獸驚  
爾時何減舐犢愛可識人間父子情

晚春即事

廿四番風送好春賞心多負物華心山桃林杏匆匆過  
刺與丁香作主人

搖漾春波沒釣磯一泓新淥淨苔衣請君亟賞空明境  
莫待楊花撲面飛

聽濤亭

野色山光聚一亭松杉面西翠為屏驚濤天半晴飛雨  
漏日簷陰晝見星棲鶻無心移別岫乳鳬隨意宿前汀  
循欄更覓題詩石好藉莓苔護碧局

車碌碌

車碌碌聲如奔泉無斷續鳴雞催曉星在天兔走烏飛  
苦相逐一條官路直於弦黃塵浩浩霹靂鞭來乘驚潮  
去激箭人心苦樂千萬變風吹柳綠霜凋草流水聲中  
雙鬢老

應

制題畫冊分得索馳

成隊轉軍儲遠放覘泉脉少見詫雙峯堪笑江鄉客糗  
糊背錦紫茸殷千里明蹄日往還大漠塵清羶帳靜夕

陽眠處影如山

夕陽映影兀如山  
元張翥句

恭和

御製效李長吉體瀛臺木變石歌元韻

虬枝突兀蒼雲盤何時蛻作金骨仙歷萬萬古青嶺顏

巨靈移置三山連膚寸直欲噓嵐烟洪鈞一氣品物甄  
或凝或植涯與巔分形受性殊蒿蘭誰知巧幻如耆男  
輪囷異榦撐乾坤槎枒糾錯超常倫吟風溜雨日月昏  
靈椿雖壽猶諸孫猿猱攀擲鼯鼯奔野火摧剝千年根  
僵瘦不受斤斧痕霜皮皴紐屈復卷吐芝蒸菌五色鮮  
角節未長潛蛟眠苔衣繡澀紫紺錢薜荔纏絡翠羽翩  
珊瑚百尺出九淵寧甘檮散終天年舊胎自稟造化權  
東陽金華古洞天山樵木客時遇焉

笠澤叢書東陽多名山永康金華中

饒古松住  
住化為石

告瑞不薦登封壇精英間氣久乃全太湖靈

壁孰可肩上林地闢鉤盾田滄池沆漭涵星源拔竒邃  
谷瑰質存珪璋特達無依援珍臺竄窳洞壑穿左右羣  
玉溫潤堅金庭石室且弗論何況游戲羣羊鞭平泉甲  
乙尤拘牽豈若瑤島鉅麗觀壯比磐石植比桓聞昔良  
嶽怪實繁題名作記磨松丸秦人東驅海波寒義取鑒  
古然乎然木石幸托

虞帝傳



七月二十六日隨

駕曉發

乘時秋猶發

神京零雨濛濛洒道清萬頃黃雲迷曉騎千村綠樹擁  
行旌關山未怯登臨興羽獵頻叨侍從榮

去秋從獵  
南海子此

去御營多壯觀好排新句紀行程

和鄂侍講曉過玉竦橋之作

西苑樓臺別有天雙輪不到又經年愛看水北春前柳

想見江南畫裏船冬暖瀛波猶有浪霜晴宮樹早生烟  
清吟妙得滄洲趣笑指沙鷗自在眠

懷柔道中紀事

清蹕東來第二程  
龐眉扶杖見輿情

天顏英武同

仁祖親記丁年道左迎

高低禾黍接平疇  
櫛比墉崇正及秋  
輦路行來聞好語  
今年到處十分收

密雲

黃圖開納鉢赤縣記犀溪地壯重城合營高萬馬嘶亂  
山連雁塞激浪齧虹隄共識

天顏喜秋雲覆隴低

么亭

行行近邊塞駐

蹕是么亭松偃千年蓋山開九疊屏呼鷹風瑟瑟飲馬  
澗泠泠回首烏丸道蒼烟入杳冥

出古北口

雙闕中開烏道縈地靈天險護

神京龍沙屬國烽烟靖虎旅當關畫角清近侍謬承隨  
輦役前游曾笑棄繻行空餘懷古踟躕意策馬秋風廿

載情

予廿年前  
再經此地

張三營

岡巒環抱水潑洄往往孤峰峭壁開粉本天成餘恨事  
荆關不向此間來

拜布杭阿口

秋夕難成寐况當行役餘馬嘶孤枕畔雁過五更初風  
勁霜鐘急燈明夜帳虛嚴裝待明發前路復如何

準烏喇岱行營恭祝

萬壽聖節敬紀

帳殿晴開紫塞中朝霞絢彩映流虹

是日積雨初霽

南山獻壽

千尋碧秋樹開屏萬嶺紅部落名藩齊輯瑞兕離新曲

效呼嵩

塞外蒙古諸王至者數十部有以優伶稱觴天愛戴之忱者

袞衣展禮先

文母此日瞻

天薄海同

上先具禮服恭詣  
皇太后前行禮

中秋日駐敦木烏喇岱

先一日  
秋分

秋到平分候清光正滿輪塞垣今夜月多少望鄉人

敦木烏喇岱行圍

上親殺一虎恭紀長歌

塞風凜凜塞日黃

御園四合包重岡草間卽復問狐兔千羣奔迸麋鹿羣  
崖深樹密路險絕疑有猛獸中伏藏羽林搜山窮窟穴  
突起驚看額如鐵張牙豎尾撲向人健卒騰身輕一瞥  
天誅留待

至尊來叢薄陰森難奮軼黃鞞按轡從容入河物空山  
咨吞齧神機一道漲烟青直陷金睛腦全裂餘威猶遣  
駭駭驚衛士爭先徒手拽身橫九尺尾及尋縱觀萬口  
稱奇絕戕生橫踞知幾年試驗稜稜耳端缺

虎傷一人  
則耳一缺

憶昔

仁皇揚聖武射虎川名震千古豈因從獸冒垂堂自為  
除殘方一怒豐草長林字育蕃生遣荒陬成樂土廿載  
橐弓嗟弱肉

英咨載見能繩

祖猷踰終看異類殲騶虞更頌仁風溥皮留行帳助雄  
談看射不須誇飲羽

下 巴顏溝望獵



選徒縱大獵曠望平野迥前旌越層巒後騎包諸嶺高  
低隨地勢視遠惟辨影進止令夙嫻遲速變俄頃魚麋  
遞相屬肅肅暇以整騫騰巧鬪捷顛隕示服猛負嵎虎  
徒搏是日復殺一虎走險鹿斯鋌呼鳴山谷應輻輳衆心警控  
縱疾於飛駿足有餘騁禮成旦三驅誇胡非所逞還歸  
曰始晡悠悠大旗靜

鄂爾楚克哈達

哈達者  
嶺也

單椒秀澤映浮嵐蓋偃青松石作龕此景若移江左去

故應隨地著名藍

過僧機圖嶺

六里嶽岑嶺路長白雲深處轉平岡蒼苔徑滑頻經雨  
紅樹葉乾初飽霜

朱爾哈岱

半月行經塞外山霜林如繡夕陽殷近南風景看全別  
秋柳依依尚可攀

九月初一日冒雨行至波羅河屯

朝旭映明霞五兩南風簸其占應急雨經驗券持左泥  
塗石犂确所至成坎坷凌兢策瘦馬顛踣走鈴馱封駝  
雖伉壯遇滑易僵卧危橋戰驚湍峯迴開紫邏列幟東  
門東行幄支介介投止得所歸出險衆相賀羌無寸土  
乾禦濕需薦莖寧辭僮僕怨奔走苦饑餓沾衣濡及膚  
辛苦忍督過旅次本多艱天行况無那勞以青銅錢村  
酒煨土銚塞帷試仰看失喜疏星大

中關

百折層巒一線紆  
回看半嶺白雲鋪  
寸人豆馬行相續  
不數王維棧道圖

恭和

御製

世宗憲皇帝實錄告竣敬受禮成元韻

聖澤貽留遠神謨紀載新  
紹庭崇鉅典揚

烈啟昌辰稽拜千官肅謳歌  
萬國春琅函方策布金匱  
憲章循仰戴乾坤大長懷雨  
露仁重熙欽孝德

睿藻播芳塵

九月初五日

駐蹕避暑山莊

召扈從王公文武羣臣

賜宴恭紀長律二十韻

虎韞初從大獵旋

離宮高敞駐華旃  
虹堤迴抱沙如雪  
獅嶺遙蹲樹是烟  
蓬島別開裨海外  
碧城縈繞塞雲邊  
樓臺歷歷披圖畫

金剛經卷第十  
卷十  
卉木森森閱歲年幾處門庭尋舊井萬家烟火列新廛  
馳眠淺水平坡地馬飲奔流曲澗泉人已如歸弛負擔  
士仍賈勇待揚鞭囊中共識

天心豫望外俄聽

口敕宣帀月清霜隨帳殿重宵湛露秩芳筵華裯接座  
依堯陞法曲悠揚叶舜絃韻入金風歌管脆光搖綺旭  
舞衣鮮香杭玉粒抄雲滑乳液銀甌捧月圓饌出天廚  
憑割肉羹調神鼎更加邊

思深不覺移蓮漏歸晚徐看擁繡韞翠挹鍾峯斜照歛  
影橫雁陣碧空聯黃花節近神俱爽紫邏游來景倍妍  
賞遇佳辰沾浩蕩行經勝地重留連銘功不數岐陽碣  
肆雅還嗤甫草畋何侍洞庭張廣樂親從帝所聽鈞天  
屬車自詫遭逢盛珥筆親賡在藻篇

重九日駐喀喇河屯

霜飈瑟瑟入征袍行幄孤吟興自豪歷覽總依  
宸蹕近登臨爭似塞垣高朋遊何處堪尋菊節物朝來

有

賜饒目送飛鴻憶諸弟紅萸紫蟹對村醪

重九後一日過景菴侍讀小飲

聯鑣經月涉龍沙到處留連漫憶家好景匆匆佳節過  
亂山矗矗夕陽斜計程漸喜歸途近話舊偏增飲興賒  
坐挹醇醪原易醉底須浮白對黃花

常山峪行宮蒙

賜佛手柑一盤恭紀



佳賓曾陳玉案傍冰瓷擎出

恩光賜從秋色風霜老貢自炎天道路長名美竝標仙  
掌秀色深遙映

御衣黃縹囊什襲歸裝穩留對黃花共晚香

入南天門

青霄列萬雉嚴關峙山岨仰視不可攀劍閣誠區區一  
覽塞外山勢若伏且趨控制限中外設險開雄圖憶昨  
出塞初健兒心胆麤萬騎爭先馳輜重塞路衢欲速翻

不前白梃煩金吾紆轡出旁徑下馬披榛蕪馬蹄在人  
頂側足行嶮嶮出險始知悔冒犯何其愚今來紀律整  
肅肅馬尾舒接軫若流水安行竟長驅良非意料及騶  
卒歡相呼人事有往復天心驗乘除躁競多險阻徐步  
盡坦途排雲叫閭闔願以諗僕夫

中關

纔驅款段歷孱顏又轉平橋曲澗灣一帶紅欄圍碧嶂  
水聲流出白雲間

九松山

門倚平林一徑斜  
九松山下野人家  
晚禾收罷場如鏡  
牆角小籬開豈花

扈從雜記

天馬行空七寶鞭  
駉駉羽衛歷層巔  
金支轉處開黃幄  
總在丹林碧嶂邊

看城南面合重圍  
鐵騎森羅白氎衣  
快意雄觀難擬似  
錢塘八月鷺濤飛

國合處設慢城日看城圍凡三  
帀外圍用新滿洲皆衣白氎

禮重三驅戒掩羣蒼霞斑鹿亂如雲  
御圍幾度教開放解網人人祝

聖君

表貉揚旌部曲分乘時都肄羽林軍  
聖皇自凜從禽戒不藉長楊獻子雲  
高柳疎槐不計年繚牆多倚翠微邊

仁皇儉德詒謀遠行殿何曾飾采椽

紅燭當風瓦炷香荒村癯婦簇新妝殷勤欲博

慈顏笑野籬園蔬候道旁

常年秋到西風勁雪點征裘劇苦辛宿將隨

鑒誇異事塞垣八月尚如春

平林一抹護山腰萬帳星羅各建標彷彿秋山客行處  
白雲紅樹酒旗飄

山外青山境各殊一峯陡轉又平蕪若教變作耕桑地  
原隰龍鱗盡上腴

淺草平原獸正肥廿年蕃字更忘機奔來駭鹿衝人過

突起文禽傍馬飛

繡纈千林入望賒  
朝陽遠射艷如霞  
山深野老無斤斧  
祇絢丹黃候

翠華

朝旭珊瑚千樹紫  
夕陽韎韐一林紅  
畫家設色輸天巧  
濃綠微黃掩映中

注壑湍鳴亂石間  
縈迴如帶曲如環  
欲知荒徼朝宗意  
百折奔流盡入關

短後弓刀作勁裝旗門候

駕肅成行書生只笑三人怯不識腰間羽箭長

尾從滿洲大臣

皆屬案牘漢人則否時錢塘相國梁少司農及予三人每晚起營門候

駕參立弓刀矢服間望而知為漢大

臣也

在原陟巘望前旌淺徑低橋

輦路平自笑羸駉驅下澤日隨丞相小車行

予三人皆車行

衆山缺處月初升禁鑰森沉路氣澄坐聽宵鐘如待漏

一行歸路擁明燈

扈從諸臣皆於東門外帳房列坐候漏下鐘鳴乃散

題金東巖文學傳經圖

我家上谿君汪溪圖經俱隸西郊西憶初識君自童試  
十年以長蒙提携震川嘉魚不去口激昂意氣凌虹霓

淵源近自鐵舟老

明經滄洲名

瓣香未敢輕家鷄中間一別

三十載玉潤相逢知好在

族孫毓仁君之女夫

傳來眉宇直逼真

廣顙豐頤仍未改揚鬢幾度到龍門苦霧深沉韜豹采  
誰開鐵網罟珊瑚頻向泥塗棄珠琲得失須臾置等閒  
東向遺編探義海一經舊德付兒曹老去壯心曾未悔



吾鄉往者多經師考亭世嫡承芳規陳

定字朱楓汪環趙

東踵相接紛綸六籍勤奮菑宮牆俎豆言不朽九原可

作將誰歸韋家世業但青紫黃金滿籛一何鄙看君用

意良獨厚挾剔爬羅究終始趨庭式穀守遺訓肯播先

疇日耘耔逢年要自本實獲希心速化徒為爾三廡賁

鼓白虎論日月中天擬姚姒願君堅守勿致疑鄒魯薪

傳行可跂

壬戌春帖子詞

金定巳辰  
卷十  
帝德符乾運

宸脩與日新  
三陽和始布  
萬國喜同春

麗景瞳矐映  
紫垣九天閭  
闔待朝元  
欲知

聖主求言意  
殿上先陳白  
獸尊

栢葉椒花霽

御香萬年枝  
上驗韶光蓬  
萊宮闕春  
先到共慶

天家愛日長

松泉集卷十

欽定四庫全書

松泉集卷十一

一起壬戌至甲子

吏部尚書汪由敦撰

穀日齋次

半弦新月照千門已覺風光逼上元  
老閱年華如逝水靜看春草發陳根  
一燈高館瓶笙寂五夜層城畫鼓喧  
紙帳香銷清夢穩梅花如雪滿鄉園

十三日同錢香樹宮詹移直郊園次韻

金史卷之八十一  
樹拂條風漸向榮巢邊新鵲喜相迎掃來塵榻心俱淨  
行過冰池影共清佳境久要歸澹泊良朋真意在和平  
中宵情話俄經歲依舊空階跼月明

張庶子天扉恭進所畫春林澹靄圖題六絕句蒙  
御製賜和連拜文綺書研之賜三疊元韻書冊屬和  
天藻葩流湛露垂仙班香案綴蛾眉宮商迭應薰風曲  
盛遇千秋此一詩

班麟一角萬牛毛賞識誰如

睿鑒高淡靄疎林領春色絕勝穠李與夭桃

藹藹新詩嶺上雲慶霄五色煥

充文浮嵐尺幅誰言淡天上春光已十分

溫綸親向玉階承

春殿從容許獨升不是奇才比坡老驪珠絡繹定難勝  
百賦千詩擊鉢成果從絕藝博殊榮人工那比

天工巧驚捧

龍箋下玉清

蓬山仙路杳難求獨領

恩華十二樓好向金鑾添故實連朝珍賚出螭頭

恭和

御製夏日御園閒詠元韻

恢台風物愜

清襟優渥頻沾四野霖新水下添波淼淼歸雲猶擁樹

沈沈閒情偶適登臨興好景深符長養心更喜牙籤羅

萬卷拈來綈案手評斟

過雨泉鳴石上秋  
新晴雜樹翠交流  
全收烟景歸書幌  
盡納山光入畫樓  
瑤草拾來蘭蕙徑  
青芝耕出鳳麟洲  
撫時深意誰能會  
萬井桑麻待遠籌

愛延朝爽敞風帷  
桐露晨流日上遲  
蕉館心抽千軸畫  
荷池葉布一枰棋  
魚衝密藻頻跳平聲子  
燕入重簷急哺

兒興到乘涼

揮翰處高齋清課似年時

水色雲容一片明  
炎歊不到足幽清  
蓮香竹淨真成社

鷺潔鷗閒舊賜盟  
天上風光原浩蕩  
人間雨露各欣榮  
只餘

宵旰憂勤意  
黃犢青簑問課耕

殿閣風來遠自南  
亭臺佳處樹深含  
千層雲壑山凝黛  
百頃風漪水蔚藍  
樂意相關生趣遠  
苦吟有味舊情耽  
鳶魚活潑天機露  
萬象分明靜裏涵

千个新篁一塢松  
萬枝隄柳暮烟濃  
混沌瀛海天無際  
匡廬仙源路幾重  
遠浦雲帆開返照  
隔花蓮漏報高春



冰盤薦出玲瓏玉金井藏來自凜冬

面面雲廊罨碧紗芙蓉初日豔明霞池邊鶴影疑雙鷺  
柳外蟬深競衆蛙露甲移栽含宿藥月團新貢試春芽  
憑誰貌取蓬壺景文沈唐仇各一家

花霧林霏日日新賞心隨意坐苔茵靜觀宇宙無窮境  
悟想羲皇以上人水石頓忘三伏暑烟霞長護四時春  
豐亨總待敷膏澤萬彙同歸

大造仁

恭和

御製賦得既雨晴亦佳元韻

甘霖遍洽濕雲歸  
新爽朝來透葛衣  
泱泱鳴泉滋稻隴  
泠泠飛瀑洒巖扉  
柳含宿潤烟光淡  
荷挹清香暑氣微  
時雨時暘徵協應

淵衷端復凜惟幾

恭和

御製青龍橋曉行元韻

碧玉泉流寫鏡潭  
虹橋低亞渚光含  
露荷迎曉紅逾豔  
烟柳經秋綠尚酣  
燕語風檣橫畫舫  
鐘來雲徑識精藍  
宸襟為愛披朝爽  
輦路薰風詠自南

曛隴初日映飛旂  
入望山容翠欲流  
曲岸沙平嘶駿馬  
遙汀浪靜狎輕鷗  
一灣涼送蒹葭水  
十里香生穉稻秋  
此日屢豐贍

睿藻宵衣端不用  
先憂

恭和

御製落葉詩元韻

紫炫紅媽職有由霜容雖豔那能留眼看逝水堂堂去  
直共長江滾滾流錦樹玉除初著夜碧梧金井最先秋  
幾番閱歷朝昏候添得閒情爾許愁

半嶺纔看夕照紅飄搖瞥見舞霜空根荻積歲思蟠木  
蹤跡經時惜斷蓬昨夢依稀榆莢雨前期綽約柳花風  
只饒棖觸騷人興無限悲吟冷淡中

颯沓偏驚遲暮心蕭疎陡覺入秋深颼輪夢破銅街曉

畫角聲催粉堞陰  
磴道寒林僧獨往  
柴門孤樹客重尋  
書帷靜掩苔痕淨  
一片瑤然空外音

縱爭早晚亦何殊  
策策空條不少須  
拔地干霄雖好在  
屯雲礙日尚能無  
西風有約辭巢燕  
明月空驚匝樹烏  
記得塞垣隨輦路  
打鞍歌帽百千株

攀條三歎柰伊何  
掃淨旋看積更多  
日見斷雲辭遠岫  
幾曾舊浦戀迴波  
紫芝遙望黃金闕  
古檜長擎碧玉柯  
蘭秀菊芳傳妙曲

天章端已邁汾河

亭臯霜逼雁來秋隴首雲飛動客愁別調更翻楊柳曲  
前身難認木蘭舟塵緣暫遣經多劫生意深含肯盡劉  
若向楞伽叅密諦大圓覺海萬千漚

恭和

御製賦得望雲思雪意元韻

甘雪將呈瑞油雲漸滿空依巖低染黛漏日薄舒紅頓  
覺寒威逼仍教朔氣融水天濃淡際烟靄有無中三白

占豐稔千倉頌  
鄧隆誰知延佇處

睿思正無窮

恭和

御製冬日瀛臺即事元韻

閭苑瑤臺瑞雪凝  
喜隨

清蹕一攀登  
丹梯彩幻雙虹影  
銀海光搖一鑑冰  
日上  
觚稜金片片  
雲開宰堵玉層層

高居更切憂勤意  
部屋初寒

遠念憑

望裏翔鸞靄霽華祥暉麗景屬

天家蓬萊高處浮銀闕瀛海中央泛雪舫晚翠竹梢光  
瑣碎寒香梅萼影橫斜靜聽畫漏趨

堯陛早覺陽迴六琯葭

讀迴川孝廉題落花游魚長句即次原韻

寫生妙筆留吳鱣新詩體物研毫纖清齋晏坐寂無事  
品詩讀畫意所欣畫中游鱗細可數蘋浮藻密菱葉尖



小桃一枝低亞水波光花影搖湘簾香風蕩漾春滿目  
物色生態工能兼豈知詩老動鄉思弱湍文魴逢陶潛  
見游斜川詩明湖淥淨移畫舫花港紅雨飛霏雲濤錦浪

翻墨沼露珠五色江毫霑恍然滄浪亭上坐穀紋微動  
羣喁噲知魚之樂樂何極硬語強韻時頻拈嗟予塵鞅  
困馳逐濠梁逸趣無由覘束箋閣筆動經月見獵未免  
心沾沾知君苦吟興方劇請按甲乙排詩籤沈淵縱壑  
窮意態紙窓呵凍知無嫌寒宵何以助吟弄積雪輝映

金定四庫全書  
卷十一  
如明蟾

題沈椒園侍御所藏蔣文肅公畫卷

繁英歷亂發驚溪  
妙格簪花手自題  
右相丹青傳絕藝  
風流長憶浴堂西

癸亥春帖子詞三首

芳殿春暉永璇圖  
淑氣融溥將

仁壽德長養布和風

彩勝青旂輝

鳳闕銀花火樹燦

彤庭條風轉處陽和滿  
驗取

堯階十葉蓂

駕瓦仍封瑞雪深  
倉箱有兆徧謳吟  
先春早切

祈年意上日齋宮

玉輅臨

除夜和迴川孝廉原韻三首

勞生百年中閱歲識人意  
屠蘇笑相勸  
春磨充饋遺鄉

風俗所重聊亦舉故事來年行復然去歲了不異荏苒  
成老翁已往歷可記拂意常八九任術變三四聚散類  
搏沙盈虛驗歌器安得似兒童紅綠出衣笥

過隙駟馬馳赴壑脩蛇急相守一夕間把箋笑沾濕惟  
餘作詩興一動不可戢縱橫隨變化輒合古兵法詩成  
夜未央誰云纔爛脾多君嗜學心鞭辟警枕蠟而我嗟  
無聞蹉跎逾五十區區炳燭光補過將何及

中宵默自計經歲飽所更榮枯木葉變消息候虫鳴明

當朝元會萬國同懽聲仰賡既醉篇坐應擊壤吟載歌  
歌伐木願以求友生

癸亥恭和

御製元旦試筆元韻

星轉璣衡斗柄邊履端拜慶在春前千門曙色羅仙木

歲華紀麗朱戶駢羅  
於仙木即桃符也

三殿恩光霑御烟虞陞韶箎張廣樂軒圖章部應昌年  
元辰玉帛徵交泰

聖主宵衣正體乾

節肇三微旭日升泰階平處治烝烝貞元默轉天行健  
福祿方來歲紀增

宸藻宜春輝寶墨

仙毫垂露灑紋綾  
迎年旋舉祈年典香滿天街

步輦乘

憶歲寒三友詩和韻

拔地曾看偃蓋重飛濤晴捲碧芙蓉著書歲老龍鱗古

養壽年深琥珀濃  
十里慣邀明月照  
萬株仍倩白雲封  
棟梁聞道需材急  
好向冰霜認舊容

手開三徑種檀欒  
不改清陰護石闌  
鳳尾捎雲應更健  
龍孫脫粉未全乾  
青壇極望霓旌遠  
空谷深憐翠袖寒  
燈火紙窗風雪裏  
若為傳語報平安

水邊林下共徘徊  
縞袂多情得得来  
千樹月明頻入夢  
一枝春早最先開  
尋來只伴孤筇瘦  
別路愁聽畫角催  
何日巡簷重索笑  
山尊隨意藉莓苔

天壇道院齋宿疊壁間已未留題元韻

到此應教萬慮蠲齋期小住樂清便纔迎

步輦瞻仙仗近傍

宮牆接

御烟鶴化難尋塵隔後

主者林某  
隔年化去

鴻飛那計雪消前

陳鄂

兩宮詹向年皆  
曾同宿院中

壁間未掃蛛絲跡一瞬流光又五年

十一日

重華宮元宵聯句恭紀



閣道銀潢界封巖紫蓋高雲生龍躍滔天近鶴鳴  
帝所身難到詞林宴許叨舞呈千樣錦樂奏入琅璈賦  
物徵佳節聯吟闋彩毫歸來開

賜硯猶自湧蒼濤

是日各松花石硯一方

送桐城張少宗伯歸里用相國元韻

名德容臺重老成冲襟素擬出塵清

朝章恩渥懸車詔家慶懽承戲彩情錄就歸田諧夙志  
圖開觀穫念深耕蓬壺人世何由覺鬱鬱龍眠積翠迎

名園傳自

賜金成鶴背重來杖屨清舉案風高林下氣分甘人愛  
膝前情琴尊洛社多朋舊邨落桃源任釣耕却恐三雍  
徵盛典蒲輪靈壽更相迎

十六夜獨登聽濤亭待月

扶荔宮中佳宴罷積雪凝暉照初夜爛銀宮闕瓊為田  
瑤草琪花蕊珠亞青女遙開雲母屏素娥促整霓裳駕  
天風吹我上飛亭曲磴垂虹迴凌跨長松大矯騰素虬

劃破層氷鱗甲卸戲海風翻白鷺濤一顆驪珠冷光瀉  
沁入詩脾清到骨高寒直遡瀛洲榭團圞仔細認霜容  
七寶修成無縫罅百尺從看火樹攢六鰲競吐華燈射  
秦樓鳳侶招不來淵客鮫人盛矜詫一年幾度見月圓  
月圓幾度逢清暇當前不用一錢買過眼追思果無價  
為問梁園授簡時把酒何人容枕藉玉屑仍堆歌舞場  
絲繩不繫鞦韆架莫遣吳剛暗笑人風輪電火誰相借  
青松白石證斯言更藉清陰安九夏

水牀

陸行莫如車水行莫如舟而此六尺牀致用乃更優嚴  
冬澤堅腹凍合琉璃甌豈無青雀舫有篙不得投誰從  
鏡中度下瞰蛟宮幽巧匠創新製斲木非塗髹謂車無  
兩輪前不叅華輶謂舟無雙槳後不起舵樓名雖借几  
榻而不施衾幃底若仰瓦檐面平體微脩恰受兩三人  
平移類鳬鷗纔容一人挽足縮躬偃僂灣灣曲能赴滑  
滑行不留過橋望雲闕傍崖數星郵穩于天上坐安於

下澤遊幻若杯裏度輕從斗邊浮何須五兩侯不載百  
斛愁坐得大自在更免傾覆憂北客喜相詫吳兒曾見  
不大哉六合內知豈萬物周憑河皮為囊踰嶺竹作甍  
引繩陟懸度潛螺出重湫放言山海外那可窮冥搜東  
風動流澌新波碧于油輕帆將弱纜卧聽傍人謳斯時  
牽著岸略同役車休用舍各有適逢時斯見售請待歲  
寒日濟川行相求

偶作

雪照黃山月春深庾嶺梅京華遠相望異地各徘徊鬢  
鬢經時改音書隔歲來兒童應未解懽笑促行杯

恭和

御製柳絮元韻

落梅寂寞畫簷巡柳絮俄看滿綠津弱質飛飛空竟日  
長條冉冉記先春晴翻繡箔千門曉暖逐香車九陌塵  
怡為

帝城增景色赤欄橋外簇遊人

雪花飛日秀新穉花雪飛時到處迷陌上尋春驚晚矣  
樓頭望遠正紛兮劇憐烟重慵開徑無那風多困拂隄  
剩有殘紅千萬片補巢同作杏梁泥

辭蒂何須待晚霜倚風仍繞鬱金堂輕盈無力惟餘態  
撩亂多情儘放狂烟雨漫漫催三月去鶯花併作一春忙  
銀塘添得萍千點飄泊隨緣也未妨

穿花度水黯霏霏亂拍長亭客袖揮灞岸低迷芳草暗  
御溝濃蔭玉泉肥漫空蛛網黏難住撒地榆錢捲共飛

安得禦寒同吉貝  
掃來裝作萬家衣

吟入

瑤箋興不窮  
色香無著繪  
虛空魚吹鏡  
裏微生浪  
燕蹴簾前乍  
受風  
岐路轉蓬  
憐客子閒  
牕捉影笑  
兒童吹噓  
總荷東皇力  
穩重何如膩玉紅

題出關圖贈金比部烈之盛京任

策馬去翩翩  
陪京粉署妍  
好携青鏤筆  
細檢白雲篇  
七月傳邠俗  
三江控海壖  
關門歌折柳  
飛絮繞吟鞭



題陳筍湑給事桃源圖小照

廿年塵鞅中田園縈寤寐朝來展君圖彷彿愜幽寄桃  
溪波粼粼花光映山翠中有好邛落一徑入深遽阡陌  
曠交通良田近鱗次地偏謝紛華耕牧勤自肆人和感  
歲豐比屋餘露積叱犢事東菑新秧行可蒔桑麻日以  
長雞豚歲蕃字優游龐眉叟歡笑挈童稚生不識州府  
門無索租吏斯人定何人斯地定何地烹鮮古有訓網  
密更起偽科條亟紛更民力困彫剋一讀平準書千載

尚心憐昇平今百年率土均拜

賜熙熙黃虞風休養樂至治循良各舉職此景不難致  
君方趨鎖闥諫草月盈筭豈比柴桑翁寓懷聊作記辛  
勤隴畝氓引領日相跂寄語候門人輕舟未容刺

甲子春帖子詞

寶殿輝春帖銀幡獻綵奩

天家仁壽慶錫福喜均沾

卜年章部幾周巡龍集重逢甲子新草野梧岡稱上瑞

三元長慶太平春

黛耜青壇

躬帝藉

鞠衣繭館奉先蠶乘春事事關民隱

聖澤仁風四海覃

恭和

御製遊潭柘岫雲寺即事六首元韻

清蹕來香界幽尋指柰園  
磴深纔辨路雲杳不知門  
雙

樹見初祖羣峯似列孫行行渾舊識了了欲忘言

上方原易到絕巘自無鄰為問曾來客能遊定幾人林  
幽馬嘶急山靜鳥呼頻法衆行相引誰為支遠倫

深潭無藻影老樹有藤懸境豁諸天外心空一鑑前近  
流禪宇梵遙接

帝城烟一抹西山翠攢雲朶朶蓮

七度登臨處

仁皇聖蹟留松筠饒古色泉石咽清流問法尋初地題

詩到上頭不教栖鴿怖得食傍階投

勝地舒

宸眺清吟句染霞苔封崖畔字香護壁間紗峯似飛靈

驚泉應湧巨蛇

高僧傳釋惠遠初住廬山以杖叩地得泉得陽早遠於池畔誦經有巨蛇出池

中須臾大雨因名龍泉寺潭  
柘亦有蛇名大青小青故云

真如隨示現根葉展新芭

列帳對芙蓉嵐光潑眼濃况經賸

御藻頓遣滌塵胸厯厯烟中樹泠泠石上淙淨緣如可

假容聽講時鐘

金史卷之八十一  
卷十一  
恭和

御製見路旁麥苗待澤孔急秋禾尚未布種怒焉有憂  
賦詩自咎元韻

亢陽歷冬春

宵旰勤望歲嘗聞諸麟經閔雨謹所記鞭巫與暴尫重  
請反成累吾

皇克禹心引咎詰攸司曰予實元首仔肩膺重寄觸目  
軫新畲沴由人所致怵惕桑林禱吁嗟雲漢意維時龍

始見雩舞盛樂備貶損却儀衛冀轉灾為瑞盥薦顯有  
孚息息民命繫補救審先圖一一慎措置豈惟歆黍稷  
豈惟張羽翳至誠格

蒼穹愷澤淪厚地行歌靈雨零坐致祥風戾轉移見天  
心感召職人事何以慍

慈懷離畢驗星次

恭和

御製甘霖既霑詣

暢春園問安恭懌

聖母望歲之誠并成長句用誌

盛德元韻

賀雨懽聲溢殿廷

宸章誌喜慰

慈寧共瞻

懿德高千古端藉精誠感百靈澤沃良疇占積稔潤滋

芳卉發餘馨承



歡迴蹕添詩興入望西山分外青

恭和

御製秋夜泛湖賦唐文皇爽氣澄蘭沼之句即以為韻

五首

長空豁初霽佳夕薦新爽明湖橫一碧呈此鏡中象桂  
楫泝流光露華浥仙掌即緒企遐躅貞觀夙所仰

鑒古興遠懷遠懷不可既行迫授衣時胥安高枕未中  
流思共濟載舟孰為貴兢兢

五夜心撫序酌元氣

弦上月波激繩低星彩凝樓臺倒景中炯如玉壺冰冷然風可御高處寒不勝忽挹稻花香指期應三登

霞散荷低浦烟深柳羃灘榜謳聽采若琴操理幽蘭橫汾詎真賞影娥非大觀蓬壺風月佳長此奉

宸懽

沿緣循芳堤容與過曲沼宵分驗漏刻火流測分杪清襟樂有餘勝趣吟未了流藻邁唐宗為章雲漢皎

乾隆甲子重修翰林院署落成十月廿七日

車駕臨幸送兩學院大學士入署

賜宴賦詩以唐張說麗正書院詩為韻分得林字

瀛海文章固蓬山道德林論思寅亮重著作職司欽秘

署新雲構

鑒輿賁日臨

仙毫輝禹篆

御書賜額二曰稽  
古論思曰集賢清秘

聖藻協虞琴列座霑霑澤分賤屬雅吟榮因稽古力康

拜奉

徽箴

恭和

御製是日復得詩四首元韻

冰署先吹暖律春

御筵香霭荷分珍晴霞曉散蓬瀛境湛露

恩均侍從臣

是日倣柘梁體聯句  
與宴者百六十餘人

東壁詩篇追自昔延

英樂府記翻新

燕次中和清樂奏  
玉署延英之曲

欣逢

盛典叨

殊渥芳醕

親頒第八巡

是日

召至

御前

賜酒者

大學士而下十有三人由敦次第八

研丹點筆燦翔鸞高捧光騰近侍冠清祕深堂纔暫憩  
喬皇

宸藻已傳看

上御清秘堂小憩復得  
七律一章亦  
宣示諸臣

九霄星彩珠為

斗五色雲機錦作團自是

聖涯涵溟濶望洋何處溯文瀾

王音辰告肅班聯風雅淵源典故保泰百年欽

主聖賡歌一德勵臣賢

聖諭有致治當崇實政為學當務躬行不專尚文辭我君

臣所宜共勉語

繽紛更拜承筐

賜

讌畢復拜集文綺練箋之賜

御

馥郁同携滿袖烟欲笑昆明傳麗

句祇從游幸詫羣仙

伶人演沈宋昆明賦詩故事

元氣均調

聖澤融儒風遐邇仰

天衷鳳池波比滄溟濶鰲頂峯逾泰華崇廿載迴翔私

感切千秋際會衆心同惟將稽古孜孜意永戴

堯仁業業中

駕幸翰林院

錫宴賦詩復

幸貢院周覽號舍軫念舉子辛勤

御製四詩頒示中外勒石至公堂遂

登觀象臺省視儀器恭紀五首

渙渙玉河濱潭潭翰林署直北拱

天閭沙隄互迴護言儲棟梁材文學導先路恭逢  
聖治隆將作庀丹雘陽月日維吉考室賦攸芋

瞻茲著作廷殊異省曹務領者台衮臣龍光重

恩數詰晨戒六飛盛容陳五輅蹒蹒列仙儒千載際嘉  
遇

宸翰署芝楣雙揭黃金榜稽古學有獲集賢益斯廣欽  
承

德意深砥礪在宏獎入室禮



先聖志切高山仰充棟羅賜書石渠明職掌

恩賜  
古今圖書集

成一部  
貯院中

堂名錫清秘泮奐契游賞仰瞻

天宇霽肅聆

玉音朗斯文至道該誕登心嚮往瀛洲與昆明縱美安  
足仿舜業日兢兢堯名天蕩蕩致身一何幸直溯唐虞  
上

和鳴鹿食苹豈樂魚在藻

卿雲發高倡陽春藹晴昊葛天萬人和穆然風肆好肆

筵有核旅宮懸鐘鼓考聽鼓瑟鼓琴歌既醉既飽厥包  
薦芬芳厥筐陳纖縞何以答

高深九如頌天保

揚鸞循閭闔天衢坦如砥闢門示周行籲俊萃于此勗  
哉公生明命名有深旨繩直櫛斯比翼翼並舍起

天步一以臨

天顏顧之喜美成經百年藹藹多吉士麟遊鳳來儀譽  
髦

天子使申之雲漢章風動遵

聖軌

東望峙靈臺

飛蓋陟重磴  
史區秩軒紀  
義和祇堯命  
四游規晝漏  
九道布月令  
天文象緯昭  
帝典璣衡正  
候律管吹葭  
觀祿雲書慶  
健行勤

日御欽若頌

神聖史臣載筆書莫罄

皇猷盛

乙丑春帖子詞

梅蒙開正歲太簇應青陽欲識春來處

恩暉藹

壽康

布穀天田農事重條桑繭館女功勤

聖朝自有真符瑞不侈金泥玉檢文

廿四番風到上林八埏同沐

聖恩深龍沙萬里春回早屬國爭輸望

幸心

松泉集卷十一